



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Parallelia Geographiae Veteris Et Novae**

Parallelia Geographica Italiae Veteris Et Novae

**Briet, Philippe**

**Parisiis, 1649**

Nvm. 6. De freto Siculo.

**urn:nbn:de:hbz:466:1-13120**

Trinacriam dictam de suo nomine Sicaniam dixerunt. Contra prædictum Cocalum Minos Cretensis pugnauit, vnde & CRETENSSES, Rege suo cæso, in Siciliam constitere, ut ait Diod. Sic. lib. 4.

SICVLI superuenere, & MORGETES, vtraque gens Italica ex Latio profecta: hi expulsi primùm ab Aborigibus, deinde ab O. picis, ac demum ab Oenotriis & Iapygibus in hanc Insulam transmisere . xtate ante bellum Troianum, hoc est annis 81. Hi viidentur cum Sicanis conuenisse, & communem vtrique populo fuisse Regem, ut satis bene Cluverius probat. Morgetum vestigia putant restare in urbe Murgantiâ.

HELYMI quoque Troiani origine paulò post Siculos venerunt, & sic appellati sunt à filio Notho Anchise Helymo: hi venienti Æneæ occurserunt, ut ait Diodorus, & Simoenta & Scamandrum flumina nuncupauerunt.

PHOENICES quoque vel hoc tempore, vel paulò post ex Asiam eò appulere, ut testantur Diodorus, atque Thucydides, quorum in auxilium postea venere forsan Carthaginenses.

GRÆCI, & eorum primi Chalcidenses eò accessere, & condidere Naxum aliásque ciuitates multas, vnde factum ut Sicilia magna Græciæ accenseretur, & pars eius crederetur, ut ait Strabo; quando factum ut omnes tam Græci, quam Barbari Σικελιῶται nominarentur; quamquam hæc vox potius Græcis aptaretur, quæ rectè potest Latinè verti *Sicilienses*.

POENI quoque, seu *Carthaginenses*, magnam eius Insulæ partem obtinuerunt, & inde multas clades intulere Græcis, multas accepere. Siculi interim sub suis Tyrannis vixere vntentes triplici lingua Græcâ, Punicâ, & Sicelioticâ, vnde *Trilingues* appellati sunt Siculi: præualuit tamen lingua Græca, Siculis & Poenis Græcam linguam addiscentibus, Græcis vtramque linguam aspernantibus.

ROMANI demum Tyrannis vñi sunt sociis, & amicis, & post crudelissima bella cum Poenis, eam demum in prouinciae formam redigere; facta que est prima prouincia, ut quidam putant.

#### N V M. 6. De Freto Siculo.

SICILIAM annexam quondam fuisse Siciliæ præter Poetas Ma- ronem, Ouidium, Silium, &c. tradunt quoque Mela, Seneca,

Strabo, Festus Pompeius, & alij, sed omnes dubiè locuti sunt. Probare id conatus est Tho. Fazellus in suâ Siciliâ, sed argumentis parum firmis quæ confutauit Marianus Vulgarnera; præcipuum argumentum, quo id negetur sumitur ab amplitudine terræ frangendæ ad 20. aut 25. Pass. Mil. à *Sciglio*, ad *Capo d'Armi*, item à portu Messanæ sic excauato: addit Cluuerius aliam rationem petitam à fluuiolis in Fretum ex Apennino desfluentibus, nam ante hanc separationem quò defluebant?

**NOMEN.** Dicitur vulgò Fretum à similitudine feruentis aquæ, inquit Varro lib. 6. de lingua Latinâ, **SICVLVM Scymno**, & aliis, Aristoteli **FRETVM INTER SICILIAM & ITALIAM**, Ciceroni **SICILIENSE**, Platoni **SCYLLÆVM**, quomodo & dicitur apud Tullium, & Athenæum: Lycophroni **TYRRHENVM**, Orosio **HADRIATICVM**, Salustio **RHEGINVM**, Thucydidi **CHARIBDIS** Fretum, Manilio denique **IANYA MARIS IONII**.

**LONGITUDO** huius Freti est Plinio **xii. Mil. Pass. lib. 3. cap. 8.** vbi S. Hieronymus de locis Hebraicis **xv.** Mil. Pass. legisse videtur, loquitur autem *Plinius* de Scyllâ ad Charibdim.

**LATITUDO**, Plinio lib. **3. cap. 8.** circa Columnam Reginam M. D. P. & capite **4.** huius libri, **xii. stadiorum**. Polyb. quoque lib. **1.** & Scyllax, **12.** admittunt stadia; Diod. lib. **4.** stadia **xiiii.** Isidorus lib. **13.** Orig. cap. **18.** tria Millia Passuum vbi arctissimum; Thucydides **20.** ferè stadia: Strabo **7.** stadia, quod & ait Scholiastes *Apollonij*: Homerus *Odys.* **12.** ait iaculo posse attingi; Silius audiri ab vnâ parte ad aliam volucrum cantus. S. Hieronymus duorum Mill. Pass. ait esse, sed Beda hanc latitudinem professus transcribere ex S. Hieronymo M. D. restituit.

**CHARIBDIS** in genere est Gurges quo aqua absorbetur, sic Fa- uorinus, Didymus, Eustathius; quod intelligitur ex aliis locis; nam locus quo hauritur Orontes Fl. in Syriâ dicitur Charibdis Straboni, & Suidæ mare subsidens, & absorptum circa Gadeis Charibdis est. Propriè tamen dicta *Charibdis* erat vortex in fredo Siculo ad Messanam, ut Scylla versus Rhegium, vnde nota parœmia *incidit in Scyllam cupiens vitare Charibdim*. Poëtæ fingunt h̄ic aquam ter egeri, ter sorberi, sic Hom. **12. Odys.** Virg. **3. Aeneid.** de fabulis consule Mythologos. Salustius ait eò illata naufragia occultis gurgitibus **60.** Mil. Pass. Tauromenia ad littora redi, quod & Strabo firmat lib. **6.** ideoque notat hoc littus dici *naufragia*

*Sterquilinium*: vide & Senecam epist. 79. sed vt omittam fabulas Charibdis, nihil erat quām Siculum fretum fluxum patiens, & refluxum, ut ex Thucydide, & Eustathio recte colligitur: Seneca docet quiescere Austris non flantibus; quod autem Poëtæ ter cecinere, bis dicere debuerunt. Causam huius fluxus & refluxus refundunt in spiritus inclusos iis terris, quibus & incendia Athnæ ventilantur, Iustinus, & Eustathius: Aristoteles & Strabo in Solem & Lunam. Hodie locus Charibdis dicitur *Calofaro* à Phato hīc excitata.

§. 2. *Descriptio Geographica Siciliæ.*

NVM. I. *Latus Boreale Siciliæ, la coste de Palerme.*

|        |   |
|--------|---|
| V R-   | <i>Naulochus, Naulochum, &amp; Naulocha</i> , quæ vox significat nauium stationem: hodie os fluuioli <i>Mallurito Fiume</i> .   |
| B E S  | <i>Templum Facelinæ Dianæ</i> , sic dictum vel à Face, vel à Fasce, in quo adiectum simulachrum ex Tauricâ; ad hoc castra habebat Sextus Pompeius ab Agrippâ vietus: igitur locus inter <i>Naulochum &amp; Mylas</i> .  |
| O RÆ   | <i>Mylae</i> oppidum & peninsula: <i>Milazzo</i> ; incolæ <i>Mylae</i> Myletani, & Mylienses: in eâ Insulâ Solis boues pascabantur, & hīc erant eorum stabula.  |
| B O-   | <i>Tyndarivm</i> , seu <i>Tyndaris</i> incolæ <i>Tyndaritani</i> ; col. ab Augusto vieto Sexto Pompeio: <i>S. Maria di Tyndaro</i> . <i>Agathyrnum</i> , seu <i>Agathyrna</i> , vnde regio <i>Agathyrnensis</i> : <i>S. Marco</i> .   |
| R E A- | <i>Aluntium, &amp; Haluntium</i> , incolæ <i>Haluntini</i> Ciceroni: eius rudera 5 Mil. infra <i>Fanum S. Philadelphi</i> , è regione <i>Rosmarini</i> .  |
| L I S  | <i>Calacta</i> , hoc est pulchrum littus, incolæ <i>Calactini</i> , & <i>Calatini</i> , vrbs ipsa <i>Calata</i> Tullio rudera circa <i>Caroniam</i> . <i>Alæsvs</i> , & <i>Alesia</i> , incolæ <i>Alæfini</i> ; hæc magnæ olim potentiæ fuit: <i>Caronia</i> <i>Fazello</i> . |
|        | <i>Hymera</i> à Zanclanis condita, de quā vide Diod. lib. II. à Pœnis excisa, sed restituta à ciuibus ad dextram <i>Himeræ</i> Fl. ripam ubi <i>Thermæ Himerenses</i> : <i>Termini</i> . So-  |